

# presonéri...

presonéri de 'n rochèl  
che de noi ghe n'à 'nfestìdi  
gira e 'l rudola sui corli  
senza palesàr pašión

presonéri de quei sogni  
da valgùn fati par noi  
starlezàri sgociàn sanc'  
campanò che 'l ne deléva

presonéri dei baiochi  
quel slusór che 'l pàr sorisi  
sdindònar 'ndé la scarsèla  
par cetàr vöie pù strache

presonéri sol de ciàcere  
'ndé 'na slòica 'n viver crùo  
quel contàrne de 'n bel sol  
pò dré 'l gàl vèn sèmpro nùgol

presonéri al nòs strangós  
de 'n domàn pù bèl e mòrbi  
e la schéna che se cùcia  
fin che 'l dì narà a paión

presonéri e nó 'l savén  
dela càbia che avén dent  
engropadi a 'n slùc' de žaibel  
ónger làori screpolàdi

presonér varderò 'n sù  
quel'azùr slusènt su sóra  
sule cime dela Brenta

che le 'nrösa a 'n sgiànz de sól

presonéri...

presonér sol de qoél véder  
che me sgiónfa 'l fià de ràsa  
smisià dent 'ndel vert dei pradi  
come 'n fior calùmo 'l ciel

presonér...  
ancor en pöc'

Giuliano

Questo/a opera è pubblicata con una Licenza Creative Commons

